



Pou Piblikasyon Imedya: 21/10/2022

GOUVÈNÈ KATHY HOCHUL

**GOUVÈNÈ HOCHUL ANONSE 234 MILYON DOLA NAN ASISTANS ALIMANTÈ
SIPLEMANTÈ POU MWA OKTÒB LA**

***Tout fwaye SNAP yo pral resevwa nivo avantaj alimantè maksimòm pou mwa
oktòb la***

Avantaj alimantè siplemantè yo prevwa kontinye jiska fevriye

Gouvènè Kathy Hochul te anonse jodi a ke tout Nouyòkè ki enskri nan Pwogram Asistans Nitrisyon Siplemantè (Supplemental Nutrition Assistance Program, SNAP) a ap resevwa nivo avantaj alimantè maksimòm ki otorize pou mwa oktòb la. Tout fwaye k ap patisipe nan SNAP yo — sa gen ladan sila yo ki deja nan nivo avantaj maksimòm yo — pral resevwa alokasyon siplemantè mwa sa a, sa ki pral mennen nan yon enjeksyon apeprè 234 milyon dola finansman federal nan ekonomi Eta New York la.

"Benefis siplemantè ijans sa yo te enpòtan anpil nan efò nou pou konbat ensekirite alimantè lè nou ede Nouyòkè ki gen difikilte pou nourri tèt yo ak fanmi yo", **Gouvènè Hochul te deklare.** "Okenn Nouyòkè pa ta dwe gen difikilte pou mete manje sou tab yo, epi 234 milyon dola anplis SNAP yo pral bay soulajman ak sipò ki nesèsè pou kominote ki pi vilnerab nou yo."

Yo pral bay sipleman èd ijans lan pou tout fwaye yo, sa gen ladan sila yo ki nòmalman resevwa avantaj maksimòm ki otorize chak mwa, k ap resevwa SNAP, yon pwogram ki finance pa gouvènman federal epi se Biwo Asistans Tanporè ak Andikape (Office of Temporary and Disability Assistance, OTDA) Eta New York ki sipèvize li. Fwaye ki deja toupres oswa nan nivo maksimòm avantaj la — 939 dola pou yon fwaye ki gen kat moun — pral resevwa yon peman siplemantè omwen 95 dola.

Fwaye SNAP nan tout konte ki andeyò Vil New York yo ta dwe wè avantaj anplis sa yo afiche nan vandredi 21 me. Fwaye SNAP sa yo nan rejyon senk konte Vil New York la ta dwe wè avantaj pa yo afiche ant lendi 24 oktòb ak jedi 28 oktòb.

OTDA te kòmanse bay avantaj siplemantè an ijans an avril 2020 pou fwaye SNAP sa yo k ap resevwa mwens pase kantite maksimòm avantaj chak mwa a. Lè deklarasyon ijans Eta New York la te ekspire an jen 2021 an, ajans lan te travay avèk siksè ak gouvènman federal la pou garanti alokasyon maksimòm pou tout fwaye SNAP yo jiska

ekspirasyon deklarasyon federal yon ijans sante piblik, ki te pwolonje jiska janvye epi ki pral pèmèt OTDA pou kontinye bay avantaj sa yo jiska fevriye.

Nouyòkè yo te kontinye konte anpil sou SNAP prentan sa, avèk plis pase 1.6 milyon fwaye, sa gen ladan plis pase 2.8 milyon Nouyòkè, nan tout eta a ki enskri nan pwogram lan nan mwa out la. Pandan ke benefisyè SNAP yo nan tout eta a te rete relativman stab pa rapò ak mwa jiyè a, yo te ogmante 3.5 pousan sou nmwa out 2021, sa ki mete aksan sou demann kontinyèl pou avantaj enpòtan sa yo.

Komisè Biwo Eta New York pou Asitans Tanporè ak pou Andikap, Daniel W. Tietz, te deklare, "Nou rekonèt ke anpil Nouyòkè kontinye ap fè fas ak defi e li espesyalman difisil pou moun ki deja gen difikilte pou yo nourri tèt yo ak fanmi yo. Asistans adisyonèl sa a ap bay yon soulajman ki nesèsè anpil epi li ede plizyè santèn milye moun ak fanmi mete manje ki bon pou sante epi nourisan sou tab yo."

SNAP jwe yon wòl enpòtan nan rekiperasyon ekonomik kontinyèl New York la epi li deja enjekte plis pase 2 milya dola nan ekonomi Eta a depi mwa janvye. Chak dola federal ki investi pa SNAP jenere jiska 1.54 dola nan aktivite ekonomik, dapre yon [etid federal](#) ki mezire enpak SNAP sou ekonomi Etazini an.

Avantaj siplemantè sa yo tou se yon mwayen sovtaaj enpòtan pou Nouyòkè ki nan bezwen yo, pliske anviwon 14 pousan popilasyon eta a te konte sou avantaj SNAP yo ane pase, dapre [yon etid resan](#). Plis pase mwatye fwaye benefisyè se te fanmi ki gen timoun epi apeprè 48 pousan te gen yon adilt ki gen plis pase 55 ane oswa yon moun ki te andikape.

Menm jan pou mwa ki pase yo, peman yo ap fèt dirèkteman sou kont Transfè Avantaj Elektwonik (Electronic Benefit Transfer, EBT) benefisyè yo deja genyen an epi y ap kapab itilize l avèk kat EBT yo deja genyen an. Menm jan ak avantaj nòmal SNAP yo, avantaj siplemantè yo ka sèvi pou achte manje nan magazen ki vann manje an detay ki otorize yo. Tout avantaj SNAP ki pa sèvi yo ap otomatikman rapòte nan pwochen mwa k ap vini an.

Jwenn plis enfòmasyon sou avantaj siplemantè SNAP pou ka dijans yo, ansanm ak repons pou kesyon moun poze souvan yo, [isit la](#). Nouyòkè yo ki enterese enskri kapab verifye elijibilite yo pou SNAP, epitou aplike sou entènèt, lè yo ale sou mybenefits.ny.gov.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418